

Broj: 09-11-6-8-5128-6/25
Sarajevo, 11.08.2025. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24), na prijedlog Komisije za javne nabavke, imenovane Rješenjem, broj: 03-04-3-1894/25 od 28.02.2025. godine, federalni ministar financija/finansija **d o n o s i**

**Odluku o poništenju postupka javne nabavke usluga –
ŠTAMPANJE FEDERALNIH UPRAVNIH TAKSENIH MARAKA-BILJEGA I
OBRAZACA MJENICE**

I

Poništava se otvoreni postupak javne nabavke usluga – štampanje federalnih upravnih taksenih maraka-biljega i obrazaca mjenice za potrebe Federalnog ministarstva financija/finansija, evidencijski broj nabavke: 09-11-6-8-5128-1/25 od 30.06.2025. godine, broj Obavještenja o nabavci sa Portala javnih nabavki: 810-1-2-37-3-20/25 od 30.06.2025. godine, Sažetak obavještenja objavljen u „Službenom glasniku BiH – Oglasnik javne nabavke“, broj: 39/25, jer pristigla ponuda ponuđača BLICDRUK d.o.o. Sarajevo, sa ukupnom cijenom ponude za tri godine u iznosu 161.335,00 KM bez PDV-a, nije prihvatljiva.

II

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke usluga – štampanje federalnih upravnih taksenih maraka-biljega i obrazaca mjenice za potrebe Federalnog ministarstva financija/finansija, broj: 09-11-6-8-5128/25 od 03.06.2025. godine.

Javna nabavka provedena je putem otvorenog postupka. Ukupna procijenjena vrijednost nabavke za tri godine iznosila je 120.000,00 KM bez PDV-a i predviđena je Planom javnih nabavki za 2025. godinu Ministarstva, dio Usluge, pod rednim brojem 7. – Štampanje federalnih upravnih taksenih maraka-biljega i obrazaca mjenice.

Obavijest o nabavci, broj: 810-1-2-37-3-20/25 poslana je na objavu 30.06.2025. godine, te je zajedno sa Tenderskom dokumentacijom istog dana objavljena na portalu javnih nabavki. Sažetak obavještenja o nabavci objavljen je u „Službenom glasniku BiH – Oglasnik javne nabavke“, broj: 39/25.

Tendersku dokumentaciju preuzelo je 12 (dvanaest) privrednih subjekata. U krajnjem roku za dostavu ponuda blagovremeno je dostavljena jedna ponuda od strane ponuđača BLICDRUK d.o.o. Sarajevo.

Komisija za javne nabavke, imenovana Rješenjem, broj: 03-04-3-1894/25 od 28.02.2025. godine, izvršila je pregled i ocjenu ponude, te konstatirala da je ponuda ponuđača BLICDRUK d.o.o. Sarajevo neprihvatljiva.

Ponuda ponuđača BLICDRUK d.o.o. Sarajevo, sa registriranim sjedištem u Sarajevu, ID broj: 4200108780006 ocijenjena je neprihvatljivom iz sljedećeg razloga: Ukupna procijenjena vrijednost javne nabave za tri godine iznosila je 120.000,00 KM bez PDV-a, a ponuđač BLICDRUK d.o.o. Sarajevo ponudio je ukupnu cijenu ponude za tri godine u iznosu od 161.335,00 KM bez PDV-a. U skladu sa odredbama člana 2. stav (1) tačka I) podtačka 2) Zakona o javnim nabavkama, između ostalog, propisano je da je neprihvatljiva ponuda, čija cijena prelazi planirana odnosno osigurana novčana sredstva ugovornog organa za nabavu.

Nakon izvršenog pregleda i ocjene pristigle ponude, Komisija je dostavila federalnom ministru financija/finansija Zapisnik o pregledu i ocjeni ponuda, broj: 09-11-6-8-5128-5/25 od 05.08.2025. godine zajedno sa Preporukom za donošenje Odluke o poništenju postupka javne nabavke usluga - štampanje federalnih upravnih taksenih maraka-biljega i obrazaca mjenice za potrebe Federalnog ministarstva financija/finansija.

S obzirom da jedina dostavljena ponuda nije prihvatljiva ispunjeni su uvjeti za poništenje predmetnog postupka nabavke, u skladu sa članom 69. stav (2) tačka d) Zakona.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku javne nabavke, može izjaviti žalbu Uredu za razmatranje žalbi Bosne i Hercegovine, putem Ugovornog organa – Federalnog ministarstva financija/finansija u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

1. BLICDRUK d.o.o. Sarajevo
2. Sektoru za ekonomske, finansijske i zajedničke poslove
3. a/a

